

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput XXXVI

urn:nbn:de:bsz:31-97032

Rex nostra volucelle vocis alma.

Dulci Turdule doce gutturallo.

Torquilla, linx alias dicitur. Linguae illi aciculus tam acutus, ut humanam cutem haud aliter ac acicula penetrat. Ea infra arteria summum subit, & super cranium reflexa, prope nares inseritur. Est autem gemina, ubi ab occipitio reflecti incipiunt, & in sincipite rursus ultræque partes convenient. Digitorum talis constitutio, ut ubique longior alter cum breviore altero contingatur.

CAPUT XXXV.

DE VROGALLO.

*V*rogallus in altissimis montium versatur jugis, Germaniam & Septentrionalia loca præcipue amat. De ejus coitu portentosa scribit *Encelius lib. 3. de Lapid. c. 54.* Gallus quippe hujus specie spermata ex ore coitus tempore in vere excreat & evomit, & voce magna advocat gallinas ipsas, quæ sperma ejectum ore legunt, ac deglutiunt, ac tali modo concipiunt. Illas postea gallus comprimit, & quasi ratum facit semen comedulum. Super quas gallinas non ascendit, illæ ova hypenemia pariunt. *Olaus Magnus* scribit in septentrione Vrogallos minores sub nive duobus aut tribus membranis latitare. In Ponto vero ajunt per hyemem ayes quasdam reperiri, quæ neque excernant, neque cum pennæ eis avelluntur, sentiant, neque cum veru transfiguntur, sed tum demum cum ab igne incaluerint. Vix verum. *Grygallus major* adeo surda est avis, ut ne bombardæ sono abigi possit.

CAPUT XXXVI.

DE VESPERTILIONE.

*V*espertilionem *Plato* vocat avem non avem, *Vallæ semimurem*. Amat cavernas & meatus subterraneos,

neos. In Apennini speluncis aliquid millia stabulantur. Formatos pullos parit: nati musculis recens natis sunt similes, glabri plane & nudi, infantis humani instar. Fætus nutrit lacte. admotos uberibus, eosque intra tegulatum præsertim ejicit hiatus. Hi matris uberibus adeo adhærent, ut nec à mortua divellantur. Illa secundo à partu die ad pastum provolat, & interim devorat secundinas. Interdum è putri materia gignitur. *Frisius* certe ab aëris morbida excretione nasci asserit. Volat alis pellitis; seu, ut *Iсидор* ait, brachiorum membranis suspensus, volatu tortuoso, nec longè à terra. Fessus hamis digitorum se appendit, quorum rudimenta in mediis alis habent. Volat etiam geminos implexa infantes. Cibus illi culices, muscæ, lardum, succidam à lacunari suspensa ita exedit, ut in excavata scrobe stâbulerit. In regionibus calidis hominum invadit facies. In Dariene novi orbis provincia Hispanos noctu infestavit, gallum & gallinam comprehendit, gallum mortu interemit. *Martyr. Pompilius Azalius* narrat apud Indos Orientalis regione quadam tam immanes esse, ut homines transeuntes alis prosteruant. Argumentum hujus esse cadavera tota jacentia valle. Contactu vespertilionis Ciconia sterilescunt ova, nisi platani foliis in nidum positis sibi caverit, Hederæ odore & suffitu perimitur. *Ælian de animal.* Locustæ locum subiectum minime transvolabunt, ubi quis vespertilio clari-ribus arboribus suspenderit. Morsus ejus aqua marina vel alia calente aut cinere fervente, quantum tolerari potest, tollitur. *Strabo* autor est, in Borsippa urbe Babylonie, ubi majores sunt quam in ceteris locis, in eum condiri. Sic & in Insula S. Iohannis fervente explicantur aqua, fiuntque quales apud nos pulli deplumati, carne admodum candida. Ab incolis etiam Insulæ Cattigani in mari del Zur sitæ, esitantur, aquilæ magnitudine, gallinæ sapore. *Scalig. Exercit. 236. sect. 3.*